



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Statv Religionis Christianae, Per Evropam, Asiam,
Africam, Et Orbem Nouum, Libri IV.**

Le Mire, Aubert

Coloniae Agrippinae, 1619

Cap. XI. De Tartaris.

urn:nbn:de:hbz:466:1-11108

CAPUT XI.

DE TARTARIS.

Tartari siue Tatari, per vastas Scythias solitudines ad Septemtrionem porratas habitant in Europâ & Asiâ: quibus vñus olim Chamus siue dominus, nunc plures, scisso imperio, dominantur. De his fusè Thuanus hist. lib. 67. agit. Sunt qui tradunt, *Anselmum*, ordinis S. Dominici, & *Odoricum*, Ord. S. Francisci, anno 1247 ab Innocentio IV. missos fuisse ad Magnum Chamum, Catai dominum. Inter Tartaros Cumanos sunt hodieque plurimi homines Christiani ritus Latini, à quibus Marcus Antonius Spinola, patriâ Tartarus, sed origine Genevensis, patrum memoriâ ad Stephanum Batorium Poloniæ Regé missus est.

Tartaros Religionem Christianam seriò amplexos lego, tempore Nicolai IV. in Concilio II. Lugdunensi. Lego item à Clemente V. Ioannem à Monte Coruino, ord. Minorum, circa annū M. CCC. V. Tartaris datum Archiepisc. Cambaliensem.

1305. Ad Cataium quod attinet, id hodie regnum est Chinense: Cambalu autem hodie Pequinum dicitur, Quinzaij verò Nanqunum;

num; vrbs vtraque regia hodie Sinarum, seu Chinensium: vt tradit Nicolaus Trigautius, libro quinto de rebus Sinensibus , capite 12.

Apud Sinas certè supersunt hodieque vestigia Christianæ religionis in ijs populis, quos Crucis adoratores seu professores nuncupant, quosque Saraceni & Armenij Iesuinos vocant. Vnde fortasse conicere licet, istos Crucis veneratores à Tartaris Christianis originem traxisse. Constat namque Tartaros circa annum Christi 1200. magnis exercitibus in Sinarum regnum penetrasse, eodemque tempore Marcum Paulum Venetum huc peruenisse.

CAPUT XII.

DE TURCIS.

Turcarum Imperium latissimè patet per Asiam minorem, Syriam, AEGYPTUM, magnam Africæ partem, Græciam, Macedoniam, Thraciam, Daciam, Seruiam, Hungariæ partem, aliasque Provincias. Colunt autem Mahumetanam superstitionem, quæ circa annum Christi 626. initium sumpfit: de cuius impietate ac vanitate varijs scripsere.

Omnibus autem Mahumetanæ sectæ

K 5 cul-